

ODRŽAN SASTANAK SA PREDSTAVNICAMA EUROGEOGRAPHICSA

13.03.2025 13:10



Sastanak predstavnika Federalne geodetske uprave i Eurogeographicsa je održan u prostorijama Uprave dana 13.3.2025. godine. Učestvovala su direktorica Eurogeographicsa, gđa Sallie Payne Snell i menadžerica za komunikacije, gđa Patricia Sokacova, te Direktor Uprave gosp. Željko Obradović, i pomoćnik direktora gosp. Denis Tabučić.

Predstavnici Uprave su predstavili trenutne aktivnosti i projekte sektora zemljišne administracije u Federaciji BiH i izazovima sa kojima se ovaj sektor susreće. Poznato je da je Federalna geodetska uprava aktivni član Eurogeographicsa, pa se razgovaralo i o pripremama za Generalnu skupštinu koja će se održati

u maju ove godine, kao i o potencijalnoj razmjeni podataka kroz EuroGeographics, regionalnoj saradnji sa ostalim članicama i sličnim temama.

Važno je spomenuti i par činjenica o EuroGeographicsu, kao jedinstvenom udruženju (mreži) ravnopravnih organizacija javnog sektora (Evropske geodetske uprave nadležne za katastar i mapiranje) aktivnih u upravljanju geoprostornim informacijama iz cijele Evrope, koje omogućava razmjenu iskustava, najbolje prakse i naučene lekcije u predmetnih poljima djelovanja. Udruženje osigurava mrežu saradnje u kojoj se individualni stavovi pojačavaju kao kolektivni glas u međunarodnom okruženju kako bi se poboljšalo razumijevanje važnosti i potencijala podataka svih članova i uloge naših članova.

Snaga EuroGeographics-a leži u velikom članstvu a udruženje predstavlja oko 90% zvaničnih tijela odgovornih za geodetske, topografske, katastarske poslove i registraciju zemljišta u široj geografskoj Evropi. EuroGeographics trenutno okuplja 66 katastarskih i kartografskih agencija iz 44 države.